



Villy Olsvig
Inatsisartunut ilaasortaq

Villy Olsvig-ip § 37 naapertorlugu apeqqutaanut nr. 067_2018 akissut

02-03-2018
Suliap nr. 2018 - 5187
All. nr. 7360991

Ap 1. Sisimiut-ni peqqinnissaqarfiup nutarternissaa imaluunniit nutaamik sanasoqarnissaanik suliaq sumummita killippa?

Postboks 1160
Oqa.: 34 50 00
Fax: 34 55 05
3900 Nuuk

Email: pn@nanog.gl
www.naalakkersuisut.gl

Akissut:

Peqqissutsimut Naalakkersuisoq Sisimiuni nutarsaanissamik suliniummik ima siunertalimmik imaqartumillu suliaqarpoq.

Uninngasarfik ulikkaaqgagaangami siniffiit 20 atorneqartarput, kisianni taamaallaat pingasunik perusuersartarfeqarpoq/uffarfeqarpoq ataatsimillu uffarfeqarluni. Ineeqqanit perusuersartarfinnut/uffarfinnut toqqaannartumik isertoqarsinnaanngilaq, taamaattumik atugassarititaasut napparsimasunut atugassarititaasutut piunasaqaatinut nutaaliaasunut naapertuutinngillat.

Sisimiuni napparsimmaviup nutarsarluarnissaanut aningaasaliissutissanik ujartuisoqarpoq. Allangortiterilluni sanaartormeramik suliniut 17 mio. kr.-inik missingersuusiunneqarpoq.

Suliniutit makku suliarineqassapput:

Illup uiguani allaffeqarfiit pioreersut qulaani ininik nutaanik pilersitsineq. Init quleriit nutaat sananeqartut uninngasarfiup maanna atorneqartup portussuseqatigissavai, taamaattumillu illup uigui taakku marluk ataqatigiilissapput.

Illup uiguani pioreersumi uninngasarfimi 19-inik ineqarpoq. Allangortiterilluni sanaartormerup kingorna 21-nik napparsimasunut ineqarpoq.

Ajorunnaarsinnaanngitsut eqqissartorfiannik marlunnik piartortunut ippinnarunnaarsaarfittut atorneqartussanik ineeralik qanigisaasunik inissaqartitsisunik pilersitsisoqassaaq. Pigaartunut ineeqqamik, errortuisarfimmik, napparsimasunut isersimaartarfimmik kiisalu ineeqqanik assigiinngitsunik pilersitsisoqassaaq.

Aningaasaqarnermut Ataatsimiititaliap aningaasaliinissaq akuersissutigippagu suliniut 2018-imi aallartissinnaassaaq.

Ap 2. Inoqarfippassuarni peqqinnissaqarfiit illuataasa nutarterneqarnissaanik qanoq naalakkersuisut tulleriarisoqarsimavamita?

Akissut.

Sisimiut saniatigut sinerissami napparsimmavinnik nutarsaanissamik allanik pilersaaruteqartoqanngilaq. Kisianni ingerlaavartumik pilersaarutaasunik aserfallatsaaliuisoqassaaq, tamatumani assersuutigalugu iikkat silammut sammisut,

LED-nik suliniutit allangortiterinerillu annikinnerusut pillugit ukiunut arfineq-marlunnt pilersaarut malinneqassaaq.

Aserfallatsaaliuinerit pilersaarusiukkat tassaapput aserfallatsaaliuinerit annikinnerusut annertunerusullu.

Aningaasat aserfallatsaaliuinerit atugassat nunaqarfinni illoqarfinnilu peqqinnissaqarfiup inissiaataanut tamanut – napparsimmavinnut, peqqissaavinnut, nunaqarfinni nakorsiartarfinnut, sulisunut inissianut kiisalu kigutileriffinnut – atorneqartarput.

Ataani allassimavoq 2017-imi peqqinnissaqarfiup 37,1 mio. kr. iluarsartuussinermut aserfallatsaaliuinerimullu atorsimagai. Sisimiuni napparsimmavimmik iluarsartuussinissaq nutarsaanissarlun annertuumik pisariaqartinneqarmat peqqinnissaqarfiup kissaatigaa 2018-imi aningaasat aserfallatsaaliuinerit atorneqassasut, tassami Peqqissutsimut Naalakkersuisoqarfiup 2017-imi aamma 2018-imi aningaasanut inatsimmik saqqummiussinermi Sisimiuni napparsimmavimmut tunngatillugu unaminiarnartut uparuarmagit. Suliniutilli allat aningaasartuuteqarfiusut pissutigalugit Sisimiuni napparsimmavimmut tunngatillugu aningaasanut inatsimmi pingaarnersiuiinissaq ajornarsimavoq.

Inissianik aserfallatsaaliuineq 2017

Inissianik aserfallatsaaliuinerit atuineq 2017, mio. kr.

Nunap immikkoortua	Atuineq	Suliniutit ataasiakkaat annerit
Kujataa	6.1	Qaqortoq Silaannarissarfinnik taarsersuineq immikkoortoq 2. Kr. 1.274.400
Sermersooq	9.6	Tasiilaq Kiassaatinik taarsersuineq Kr. 1.150.000
Qeqqata	5.7	Maniitsoq Illup iluani aserfallatsaaliuineq immikkoortoq 1. Kr. 1.063.967
Qeqertarsuup tunua	2.3	Aasiaat Nakorsanut init inuunerissarfingortinnerat Kr. 421.500
Avannaa	13.2	Ilulissat Qullit LED-nik taarsersornerat Kr. 3.000.000
Kalaallit Peqqissartut Illuat	0,2	KPI Igalaanik taarsersuineq kr. 110.000
Katillugit	37.1	

Inissianik aserfallatsaaliuinnissamik pilersaarutit 2018

Nunap immikkoortua	
Kujataa	Narsaq Silaannarissarfiit OP-nngortillugit taarsersornerat
Sermersooq	Tasiilaq Silaannarissarfinnik taarsersuineq
Qeqqata	Sisimiuni Qitiusumik Napparsimmavik, suliniummut iluarsartuussinermut atorneqarsinnaasunik siunnersuusiornermut, oqartussanit akuersissutinut neqeroortitsinermullu aningaasaliinissamut
Qeqertarsuup tunua	Aasiaat Seqernup nukinganik nukissiuummik pilersitsineq

Avannaa	Uummannaq Kiassaateqarfeeqqamik iluarsartuussineq pitsanngorsaanerlu
Kalaallit Peqqissartut Illuat	Østerbro Naqqup-iluanut isertarfimmik napparsimasunullu init eqqaannik qalipaasup iluarsartuussinera

Inussiarnersumik inuulluaqqusillunga


Agathe Fontain

INUIT ATAQATIGIIT

Inatsisartuni



16. februar 2018
Villy Olsvig

Inatsisartut Suleriaasianni § 37 imm. 1 naapertorlugu Naalackersuisunut apeqqut imaattoq matumuuna saqqummiuppara.

Naalackersuisunut apeqqut:

- 1. Sisimiut-ni peqqinnissaqarfiup nutarternissaa imaluunniit nutaamik sanasoqarnissaanik suliaq sumummita killippa?**
- 2. Inoqarfippassuarni peqqinnissaqarfiit illuataasa nutarterneqarnissaanik qanoq naalackersuisut tulleriarisoqarsimavamita?**

(Inatsisartuni ilaasortaq Villy Olsvig, Inuit Ataqatigiit)

Tungavilersuutit

Nunatsinni tamatta peqqikkusukkaluaqaluta taamaattoq ilaanni nappaatinik nalaanneqarnerup kingunerisaanik peqqinnissaqarfiit saaffiqineqartarput, taakkulumi inoqarfinni tamaginni saaffiqineqarsinnaasunik illutaqarput ilaatigut pisoqalisunik, nutarterneqartariaqalersimasunik imaluunniit nutaanik sanasoqarnissaanik pisariaqartitsisunik.

Taamatullu inissisimasunut ilaavoq Sisimiut-ni peqqinnissaqarfik ilaatinneqarpoq, naak nalungikkaluarlugu nutarterisoqarsinnaaneranik imaluunniit nutaamik sanasoqarnissaanik pilersaruteqartoqarnikuusoq suliap sumut killinnera paasissallugu pingaaruteqarpoq.

Ullut qulit qaanngiutsinnagit akineqarnissara kissaatigaara.